

10.  
17

FACULTATIS MEDICÆ  
IN PERANTIQUA HIERANA  
DECANUS ET SENIOR,  
D. JOH. ANDREAS

Gischer/

CONSILIARIUS ET ARCHIATER ELECT. MO-  
GUNT. PATHOL. ET PRAX. PROF. PUBL. PRI-  
MARIUS, NEC NON MEDICUS PROVINCIAL.  
DUCAL. ISENACENSIS.

*Lectori Benevolo*

S. P. D.

*Ipsique diros calculorum cruciatus expavescenti*

Programmate hoc Inaugurali ostendit

LAPICIDINAM MICROCOSMI DE-  
MOLITAM.

---

ERFORDIÆ,  
STANNO GROSCHIANO, ACAD. TYPOGR.





Non solum admirandorum genitrix  
 Natura, velut ad quandam suæ ma-  
 jestatis ostentationem, durissimas  
 in Macrocosmo extruxit cautes,  
 petras insuperabiles, saxaque præ-  
 rupta, terræ planitiem passim exa-  
 sperantia, insuperque in antris sub-  
 terraneis posuit lapideas moles, nunc nobiliorum,  
 nunc ignobiliorum lapidum matrices: Sed & aliquan-  
 do enormi errore abrepta, per horrendam quasi <sup>εις ἄλλο</sup>  
 γένος μετάθασιν, lapicidinam in Microcosmo molitur, quin  
 imo, proh! in visceribus ejus haud raro perficit.  
 Hinc pleni sunt Medicorum libri calculosorum exem-  
 plis, plenæ observationes clinicæ, plena venerandæ  
 antiquitatis monumenta, quid, quod & pagi, & ur-  
 bes, & oppida ejusmodi stimulis improbe divexato-  
 rum ejulatibus personant. Sic calculi in scroto reper-  
 ti mentionem faciunt Decker. *Exercit. Pract.* p. 153.  
 Ephem. Germ. Dec. III. A. V. & VI. Obs. CCLIII. sub-  
 ter



ter lingvam *Append. p. 91.* sub offe frontis *Obs. XLVI.*  
 in pericardio duas unicas æquantis *A. VII. Obs. LXXV.*  
 in intestinis per alvum â muliere quinquagenaria  
 menstruatim excreti *Append. p. 71.* sub glande ure-  
 thræ per octennium latentis *A. IX. & X. Obs. XLV.* in  
 naribus *Obs. CXLV.* in vesicula fellea *Obs. CCXLVI.* in  
 arteria Iliaca *Obs. CLXXI.* in utroque ventriculo cor-  
 dis *Obs. LXXXIX.* in meatu urinario pyri formis *Dec.*  
*IV. A. IV. Obs. CX.* in pulmonibus ad instar pisorum  
 formati *Obs. CIX.* in glandula pineali Stalpart. Vander  
 Wiel *Obs. Rar. Cent. I. p. 53.* in dextro ventriculo ce-  
 rebri Kerkring. *Obs. XXV. p. 77.* in ciliis & nervis o-  
 pticis Scalig. de Subt. *Exercit. 108.* & Zod. Med. Gall.  
*A. I. fol. 81.* in cantho oculi majore *fol. 138.* in arteriæ  
 magnæ ramo renali, carotide & vena portæ Tulp.  
*Obs. L. 2. p. 141.* R. de Græf. in *Epist. ad Elsner.* & Co-  
 lomb. *Obs. Anat.* in ventriculo, hepate, mesenterio,  
 pancreate, liene & utero Marcell. Donat. *Hist. Med.*  
*Mirab. l. 4. p. 520.* Stalpart. Vander Wiel *l. c. p. 198.*  
 Holler. *c. 48.* Fernel. *Pathol. L. VI. c. 4.* Diemerbroëck  
*Anat. corp. hum. fol. 146.* Bartholin. *Cent. IV. Histor. 64.*  
 in testiculis adamantinam pelluciditatem referentis  
 Wilhelm. ten Rhyne *Schediasm. de promont. bonæ spei,*  
*fol. 34.* in crure ulcerato, musculo Deltoideo ipsisque  
 articulorum juncturis Borell. *Cent. I. Obs. 4.* Schenk.  
*Lithogenes. c. 19.* in tonsillis denique & maxillis Lang.  
*Epist. Medic. Tom. II. p. 233.* calculos repertos comme-  
 morat. Equidem antiquis temporibus frequenter lu-  
 debatur calculis, idque jam honoris, jam lucri capien-  
 di, jam temporis fallendi gratia, dum suffragia  
 ferentes calculos cum inscriptis candidatorum no-



minibus in urnam injiciebant, & in 12. scruporum ludo calculis ab una linea ad alteram subinde promovendis ludentes utebantur, ubi sane gloriosum reputabatur & delectabile quam plurimis candidatum onerari calculis, quin & per sæpe lucrosum, ludentem ultro citroque posse vagari per aleam, altero interea ad incitas lineas redacto, ita ut calculum omnino movere nequeat, ringente: Verum ludus iste, sic Paracelso vocatus, visceribus corporis humani altum infixus, cum afflictiis non ludit, quin imo ipsis sæpenumero illudit Medicis, nec remediorum quantumvis exquisitorum apparatu movetur, ubi quidem ignorantia genuinæ causæ morbificæ in causa est. Etenim alios confugere novimus ad seminium calculosum cum semine parentum ejusmodi malo correptorum in subjectum patiens translatum, alios ad fermentum petrificum, spiritumve, nescio quem, gorgoneum, solo etiam aspectu cuncta in lapides mutantem, quosdam ad viscerum, renum cum primis & vesicæ, intemperiem sive calidam sive frigidam, quosdam ad acidum coagulans aut salinum exsiccans, nonnullos ad infractum partium afflictarum robur, sive fibrarum relaxatam vim tonicam, nonnullos ad stricturam potius earundem & cavitatum angustias, imo reperti sunt, qui mali originem à putredine quadam imo ex cœlo ipso derivare voluerunt: Cum tamen propitia magis ratione asserendum videatur, calculi seminia revera omnibus connasci, parentibus utcunque sanissimis, atque in singulis deprehendi, solummodo convenientes causas occasionales, quibus in hoc vel illo viscere, vel naturâ vel casu, propriave  
sub.



subjecti culpa, debiliore, evolvantur & in actum deducantur, expectantia: Sic enim fortè commodius explicabitur, quì fiat, calculo laborare homines, à parentibus non calculosis profeminatos, & contra nullos ab illos sentire stimulos, qui parentes quam maxime calculosos nacti sunt. Ex quo liquet, æthiopem lavare illos qui calculum curaturi nunc absorbentibus, nunc præcipitantibus, nunc diureticis, nunc resolventibus, nunc anodynis solummodo inhærent, quibus partim digestio prima depravatur, partim causa mali ad ipsos præcipitatur renes, partim vasa & viscera exsiccantur, partim tonus fibrarum perit, partim principium movens elasticum ita obstupescit, ut particulis lapidescentibus mature ex corpore ejiciendis impar omnino existat; quin præstat roborantibus simul abstergentibus, blandeque adstringentibus balsamicis, diluentibus nervinis temperatis prudenter interpositis, calculi curationem aggredi: In præservatione vero auream Baglivii observare regulam, quod à vesica & renibus ad intestinum rectum optima fiat revulsio, atque sic materia coagulo præterea subtrahatur, maxime si juxta moderamen diætæ laudabile, res, laxantibus fluidis mannatis, sennatis rhabbarinis & ꝑeis hebdomatim, & circumspecta hæmorrhoidum sub æquinoctia annua reseratione, peragatur. Atque in hunc scopum collimant, quæ à superiore & nostro ævo magnifiunt lithonriptica, scilicet spirit. Calc. viv. vinosus Basilii Valentini, cujus cum infuso Thee aut Hederæ terrestris etiam externe per injectiones, aut regioni pubis & perinæo mediantibus lintheis duplicatis applicationem, in calculo vesicæ obdu-



rato efficaciam singularem loquuntur Medicorum monumenta, item succus betulæ primo vere collectus cum semine Dauci ab Helmontio & Boylæo tantopere commendato, ut & arcanum Timæi von Gûldenflæ ænigmatice descriptum, ex secali viridi, germ. aus der ersten Korn-Schrapffe / & tota anserina verno tempore paratum assumptumque, porro Tinct. ex radicibus acaciæ nostræ novellis cum spiritu vini phlegmatico anisato, vel, qui præstat, spiritu roris majalis in quo semen anisi maceratum fuerit, parata, illam, quæ hætenus innotuit in Saxonia, si non superans, viribus certe adæquans, nec non laudanum urinarium Lipsiensium, hirci leporisque mense Martio capti cruor, cum sale lixivioso ex cineribus hujus integri combusti parato, polychrestæ baccae Alkekengi, nuclei ceraforum, persicorum, hepatica fontana, equisetum, radices restæ bovis cum farina liquiritiæ, nitrata cum vitriolatis s. a. combinata, omniaque ex succino, Therbinthina & Mumia Alexandrina confecta: cum primis celebrantur radices gummosæ trifolii fibrini in cerevisia medicata, ipsi etiam radici Pairera prava dubiam palmam reddentes, ut & pulvis lithontripticus sequens:

*R. Musc. ex muris antiquis sub cælo libero crescentis P. ij.*

*Succin. alb. Therebinth. Venet. coct. ana drachm. sem.*

*Ocul. cancr. ppt. lapid. Percar. ppt. ana scrup. j.*

*Rad. Alb. liquirit. ana scrup. ij.*

*Sacchar. albiss. unc. j. M. F. Pulv. subtiliss.*

Sed hæc in præsentia de lapicidina microcosmi destructa differuisse sufficiant, cum primis quoniam hanc sibi materiam ad amussim sumsit tractandam

*Nobi-*



*Nobilissimus atque Clarissimus Dominus*

# JOACHIMUS GOTTLIEB KLEPPERBEIN,

*Birnbaumensis Polonus,*

Medicinæ Candidatus dignissimus,

qui die 14. Octobris Anno 1698. Birnbaumii Poloniæ oppido natus, Parentes veneratur dulcissimos, Virum piurimum Reverendum & Clarissimum DN. M. JOACHIMUM KLEPPERBEIN, Verbi divini ibidem tum temporis Ministrum primarium, post pastorem Fraustadiensem demumque Freystadiensem meritis-  
simum, Patrem, & foeminam ornatissimam DOROTHEAM DEUTSCHMANNIAM, Matrem, quos vero fato præmaturo sibi ante aliquot annos ereptos luget. Ab his Parentibus laudatissimis, prævia Præceptorum domesticorum informatione, Fraustadiensis Scholæ Collegio, inprimis Clariss. Dn. SCHMIDELII Rectoris, nunc Gymnasii Brigenfis Professoris curæ fuit commissus, ab hinc Lyceo Freystadiensis insertus tandemque Gymnasii Regii Berolinensis alumnis adscriptus. Anno 1717. Musis scholasticis valedixit altiores Academias salutaturus, quo fine Vitembergam petiit Magnifico maximeque Reverendo Dn. D. SCHRÖERO, SS. Theol. Prof. Publico Ord. sceptrum academica tenente, & studiosorum ordini adscriptus frequentare cepit primum Collegia Philosophica ab Excellentissimo Dn. D. KLAUSING. Mathes. Prof. Publ. & Clariss. Dn. M. WOLFFIO habita, post Medica, Magnifico Dn. D. VATERO, Seniore, Consiliario & Archiatr. Duc. Anhalt. Pathol. Prof. Publ. Celeberrimo, Med. Provinc. Saxon. & Nat. Curios.  
Colle-



ga facem in cursu Medicopræferente. Nec minorem  
sedulitatem in frequentandis lectionibus privatis ana-  
tomicis, botanicis, chemicis Excellentissimi D. VATE-  
RI juniore Prof. Med. Ord. nec non publicis, de febribus  
& Osteologia Magnifici Dn. D. BERGERI Consil. Reg.  
Polon. Dnque D. BRENDেলII, Prof. Publ. Ord. adhi-  
buit, simulque duabus sectionibus publicis adstitit, &  
respondentis munere, sub prælaudato Dn. D. VATE-  
RO juniore de Oeconomia sensuum juxta Mechanico-  
rum placita disputante, perfunctus est. Exacto Vt-  
tembergæ triennio iter in Bataviam anno 1720. susce-  
pit, ad studium Anatomicum & Chirurgicum omni  
ex parte excolendum, ibique consuetudine virorum  
per orbem literatum famigeratissimorum, RUYSCHII  
& ALBINI tantum non quotidiana usus est, a quibus  
egregie expolitus in arte medica, nitidior in patriam  
rediit. Tandem studiorum coronidem anhelans no-  
stram nuperrime accessit Hieranam, & Facultate Me-  
dica decenter compellata in Candidatorum numerum  
receptus & ad Examina consueta admissus est, in qui-  
bus avitæ patriæque virtutis tenax omnium Col-  
legii Medici Assessorum expectationem usque ad-  
eò exsatiavit, ut ipsi supremos in Medicina honores  
decreverint, publico prius eruditionis specimine in  
Disputatione Inaugurali de CALCULO RENUM ET  
VESICÆ die VIII. Martii D. V. habenda, edito. Ad  
quem Actum Inauguralem honoratissima præsentia  
sua condecorandum & Magnif. Dn. Rector cum Aca-  
demiæ Proceribus, & omnes studio medico faventes,  
hisce perquam officiose & humaniter invitantur. Publ.  
Erfordix sub Sigill. Facult. Medic. Domin. Invocavit.  
d. 2. Mart. Anno 1721.

(L.S.)